

Q. D. B. P.

EXERCITATIO HISTORICA,

DE

ECCARDO I.

MISNIAE MARCHIONE

JENAE ANNO cIo II. SE-  
PVLTO,

P R E S I D E

CASPARO SAGITTARIO,

S. S. THEOLOG. DOCT. EJVSDEMQVE  
HISTORIAR. PROFESS. PVBL.

RESPONDENTE

JO. ADOLPHO NICOLAI,

DRESDENSI.

J E N Æ

Hale Magd. Litteris JO. CHRISTIANI HENDELII, Acad. Typ.

RECUSA ANNO M DCC XXI,

(4)



21

21

21

21

21

21



## SECTIO 1.

Magnam varietatem in scriptione nominis ECCARDI deprehendimus: nec minima apparet in ejusdem originibus. Id certum, non alii, quam linguæ Germanicæ natales suos transcribere.

### §. 1.



Ira est varietas in scriptione nominis ECCARDI. Imago Numburgensis, quam representat Albinus in calce Commentarii *Rerum Misnicarum* præfert ECHARTUS. Privilegium Ms. Cunradi II. Imp. super Translatione Episcopatus in Numburg. & traditione Balchstei, habet EKKARTUS. Gregorii Pontificis Bulla Ms. super Translatione Sedis Episcopalis de Ciza Numburgum versus,

ECKARDUS, Johannis Papæ Confirmatio Ms. Translationis Episcopatus Cizensis in Numb. item Ditmarus Merspurgenfis Episcopus in Chronico scribunt EKKIHARDUS. Literæ Ms. Theodorici Episcopi Numburg. de Fundatoribus Ecclesiæ cathedralis Numburgensis asserunt ECKEHARDUS. Mortuologium Ecclesiæ Numburgensis, cujus fragmenta possidet Vir Reverendus & Cl. M. Johannes Zaderus, Cathedralis Ecclesiæ Numburg. Pastor, exhibet HECHARDUS: Reperiuntur porro ECCARTUS, ECKARTUS, EGKHARDUS, EGGEHARDUS, EGKHICARDUS, ECHARDUS. In laudata Gregorii P. Fulla, quia etiam WILHARDI Ducis sit mentio, eidemque HERMANNUS & ECKARDUS hæredes assignantur, non improbabilis conjectura est M. Zaderi, haud alium esse, quam ECCARDUM I. quippe quem & HERMANNUM & ECCARDUM II. genuisse constat. Nisi forte error sit librarii: quod non negat Zaderus.

A

### §. II.

S. II. ECCARDI nomen Germanicæ originis est, nemo quod equidem scio, dubitat; eoque pertinet H. Lutheri observatio, (si is est scriptor non inelegantis libelli, cujus titulus: *Aliquot Nomina propria Germanorum ad præsentem Etymologiam restituta*) Nomina in Hart sunt germanica. Speciatim autem de voce ECCARDI ibidem hæc reperias: *Eckardus, Eckart. Sed mea imaginatione Pegerat, ab Hegen, ut supra, servans, custodiens pudenter & consulte. Et ille Odoacer ab Italis dictus Hettberger est. Quia pater sen est ut diximus, Hatto, Hatto: Sic Hettgeher est pater custodiens, servans, tuens. Hinc Eck/Wolffseck, restitum Hege, Hedio, Hülffsbege/custodia salutis, salus custodie. Et si a fortuna Dicitur, dicitur, erit Pegerat, servans parva, quia Dicit & Unrat Germanice dicitur, quando res bene & male curantur; quasi per hoc bene vel male rei familiari consulatur. Sed prior Etymologia melior est. Integrum hunc locum, ut pleraque alia libelli transfudit in Lexicon suum Philosophicum Rodolphus Goclenius: nec memini laudare per quem profecerit. Quisquis jam auctor sit illius commentatiunculæ, putat sane ECCARDUM significare hominem sua prudenter & consulte servantem; dum scilicet ab Hegen (quæ vox Saxonibus meis per familiaris est) & Hart descendere. At proximius scopum videntur ferire, qui ab Eck/angulus & Hart derivant: ut ECCARDUS vel ECCARTUS designet robur seu constantiam lapidi angulari respondentem. Quod ad posteriorem syllabam, id agnoscit Bôdinus in *Methodo Histor. scribens: Hæc quoque Celticum est, quod Germanis robustum significat, nobis audacem, adjecta vocali, quam sine dictionum Germani sapimus eximunt. De toto nomine Johannes Aventinus in Nomenclatum quorundam propriorum Germanorum nominum Annalibus Borjorum præfixa: Eck, Egh, cornu est, angulusque. Inde Eckhard, sive Eghard, constans ut angulus & sustentans. Egardus & Eckardus est, quod sonantius est, Eckhardus sive Eckardus.**

#### SECTIO II.

In Marchionibus Misniæ duo ECCARDI clarent, Pater, & Filius: quos multi recentiorum non modo inter se, sed etiam cum alio ECCARDO, ut & Ecberto Saxonie Marchionibus perperam commiscerent.

**E**CCARDORUM in Historia Misnica seculi X. ac XI. frequens mentio. Et ECCARDUM quidem II. primi fuisse filium, infra demonstrabitur. Jam facili errore, quod prius tribuendum, alteri adscriptum, quodque à filio præstitum, in Patrem collatum. Specimen ejus rei inferius dabimus de Translatione Episcopatus Ciza Numburgum versus; quod procul dubio auspicii filii gestum, utrius Parens apud plebsque novitios eo nomine celebretur.

§ II. Præterea ECCARDUS noster confunditur cum alio Eccardo, Saxoniz Marchione, Ottonis Sveviz ac Carinthiz Ducis filio. Quis tamen ille fuerit Eccardus, nondum habeo ex veteribus satis exploratum. Nam quod juniores tradunt, eum à Bernhardo & Lothario Saxoniz Ducibus ob rebellionem contra Henricum II. fuisse interemptum, in eo partim nostri ECCARDI, partim Ecberti historia (qua de mox dicemus) commiscetur.

§ III. ECCARDI & ECBERTI historias à Krantzio, Brotius, & aliis recentioribus, imo & ab antiquiorum nonnullis confundi, non est mirum: cum uterque Henrico Germaniz Regi rebellavit, uterque rebellionem interitu suo expiavit. Attamen non idem est Henricus, quem Eccardus, quemque Ecbertus aggressi. Noster Henricum II. petiit, Henricum IV. Ecbertus. Jam hujus cædis prope in finem incidit seculi XI. cum Eccardus noster sub ejusdem seculi exordium occubuerit. Præterea Eccardus Poledz invenit vix terminum; Ecbertus in molendino Eisenbüttel sublatiis est. Denique Eccardus Misniz, Ecbertus Saxoniz fuit Marchio.

§ IV. Id ut pateat clarius, de ECBERTI cæde adscribemus nonnulla testimonia, Chronicon Stederburgense à Meibomio editum, tribus verbis: ad annum MXCI. *Ecbertus Marchio occisus est.* Paulo plenius Sigebertus Gemblacensis ad annum MXC. *In Saxonia Egbertus Comes, dum fideles Imperatoris bello insequitur, & ipse perimitur.* Chronica Augustensis in Tomo Scriptor. German. Marquardi Freheri ad eundem annum: *Egbertus Marchio seditione perdurans ex insidiis interimitur.* Albertus Stadenfis ad dictum annum: *Egbertus a quibusdam Imperatoris*

oris fidelibus in quodam molendino paucis gratia deprehensus turpiter occiditur. Bertoldus Constantinensis Appendice ad Hermannum Contractum: *Egbertus Marchio de Saxonia in causa S. Petri strenuus* (Pontificis scilicet partibus contra Henricum Cæsarem erat addictus) *deus cuiusdam Abbatissæ de Quidisleninburc; sororis inquam Henrici Regis, (ut ajunt) per insidias occiditur.* Erphesfordensis Monachus Additionibus ad Lambertum Schafnaburgensem anno MLXXXIX. *Eckbertus Marchio juxta aquam que dicitur Selicha, in molendino quodam miserabiliter inter scellum occubuit.* Auctor Chronici Bigaugiensis: *Eckbertus Marchio Brunsvicensis, emulus Wicperti fuit: qui tandem in molendino suo, post bella inter ipsos, turpiter occubuit.* Auctor de Landgraviis Thuringie cap. XVI. *Eckenbertus filius Tuetonis, Marchionis de Landsberg, fundator Ecclesie S. Georgii in Nuenburg, & castri Erckenspurge, in quodam molendino turpiter occiditur.* Ceterum quod hic Auctor Eckbertum Marchionem fundatorem facit Numburgensis Ecclesie ad S. Georgium: id dubio non caret: cui infra docebitur. Et si per *Erckenspurgen* intelligit castrum *Eccardsburge*, nequaquam id ad hunc Eckbertum, sed ad Eccardum, sive is primus, seu secundus fuerit, pertinet. Krantzius Saxon. lib. V. cap. XII. *Egbertus Comes in molendino quiescens a superveniente Imperatoris militibus opprimitur: sive, ut ab aliis traditur (quod supra significavimus) a sicariis.* Significaverat autem Krantzius lib. IV. Saxon. cap. XLIV. his verbis: *Hic erat exirius, ut vir fortis, qui per arma difficulter vinci poterat, per insidias opprimeretur. Nam servus Henricum conduxisse in illorum sicarios, qui se in illum infirmarent familiam: acceptoque tempore, cum in molendino Eichenbittel quiesceret, ab illis obtruncatur.*

### SECTIO III.

ECCARDUS Patrem habuit Comtherum, in australi Thuringia inelyti nominis Comitem fratres autem Guncelinum & Brunonem.

#### §. I.

ECCARDI Patrem Diemarum diserete vocat GUNTHERUM. Hujus auctoritas tanti nobis est, ut omnes rejiciamus aliter sentientes. Non igitur satisfacit Fabricius, Ottonem; non Wolfgangus Heiderus, *Ludolphum Ottonis M. nepotem, Bruno-*

ni

*non Pontificis fratrem*; Anonymus Auctor *Chronici. Sereniff. Ducum Brunsvicensium* à Cl. Madero editus, Ekkehardum substituentes. Cur autem Fabricius *Origin. Saxon. lib. II.* etiam Ditmari testimonium vellicet, causæ nihil video, cum temporibus illis viventi ac scribenti, atque etiam ex illustri prosapia ducenti genus, optime de Eccardi natalibus constare potuerit. Rectius igitur Auctor *Chronici. Montis Sereni* ad ann. MCLXXI. Ekkehardum *filium Guntharii Marchionis de Thuringia* vocat.

§. II. Floruit autem hic GUNTHERUS in Austriali Thuringia, teste Ditmaro lib. IV. sic scribente: *Ekkehardus ex nobilissimis Thuringie australis natalibus hujus gentalogie ortum ducens. Quo ipso respicit ad pervulgatam illo ævo Thuringiæ in Austrialem & Septentrionalem divisionem. Et istius quidem etiam Ditmarus lib. VI. meminit, de Wigberto antecessore suo scribens: Hic ex optimis Thuringie australis parentibus originem sumpsit: hujus autem loco ex lib. IV. jam laudato, Lutharium ex clara Thuringie septentrionalis prosapia editum commemorans. Illa Thuringiæ pars germanice Sud Thüringen, hæc Nort Thüringen dicebatur. Et in vetustis monumentis reperias Pagum Sudthuringen, & parum Nortthuringowe: quam in rem merentur legilectissimæ observationes Henrici Meibomii de utriusque Saxonie & vicinarum regionum quarundam Pagis.*

§. III. Videtur quibusdam Thuringia Australis non aliæ esse provincia, quam quæ Osterlandia vocabatur: quam in sententiam inclinat Petrus Albinus *Commentar. Rer. Misnicar. tit. X.* Et hinc Dresserum quoque Guntherum nuncupare puto *Comitem Ostlandie*. Bene, an secus id fiat, nunc non disputo.

§. IV. An ad majores Guntheri inoffenso pede liceat pergere, ambigo. Ab Albino tamen, Reusnero, ac nonnullis aliis Gunthero parens datur Bruno, frater Ridagus: quos per Fridericum avum, Ditgremum proavum ex Witkindea familia deducunt. Schema lineæ rectæ pro illorum sententia (à qua abit Reineccius, Guntheri patrem non Brunonem, sed Fridericum faciens) exhibebimus.

❧ (6) ❧  
WITIKINDUS J.

WITIKINDUS II.

DITGREMUS

FRIDERICUS

BRUNO

RIDAGUS GUNTHERUS

CAROLUS ECCARDUS I.

Attamen quia Witikinde genealogiz conditores miris inter se discrepant modis, nunc huc nunc illuc incertis conjecturis pulsati fluctantes; naviculam nostram his incertis non est immittere animus, sed in Gunthero Eccardi patre hoc tempore acquiescimus.

§. V. Fratrem Eccardo fuisse *Guncelinum*, colligere est ex Ditmari libro VI. ubi postquam damna Hermannus Eccardi I filio illata recensuerat, subiungit: *Insuper quicquid incommoditatis praelibito Comiti (Hermannus) quia semper patris in fratrum filios severi facere potuit, id nullatenus distulit.*

§. VI. Jam de altero fratrum *Brunone* nihil dubitandum; quandoquidem Ditmarus discrete illum nominat. Verba hæc sunt: *Inter ea prædictam urbem (Misniam) Bruno Comes, frater Guncelini, ordine vicis sua custodiebat.*

§. VII. Ernestus *Brothus* *Merspurgenfis* *Chronici* lib. II. cap. II. & P. præter Eccardum nostrum Gunthero assignat filios tres *Euseonem, Rionem & Bernwardum*. Sed merito notatur ab Albino, quod Guncelinum & Brunonem omiserit. Imo vero dubites, an liquido comprobari queat, trigam illam fratrum ad Guntherum pertinere. Nam etsi alicubi Ditmarus Eccardo illos jungit, non tamen exinde fraternam conjunctionem colligas.



SECTIO IV.

ECCARDUS adolevit spe & fama indolis præclara, bel-  
licisque studiis sub Patre affvestus Ottoni II. Cæ-  
sari strenue militavit.

**D**itmarus lib. IV. *Ekkihardus post multas bellorum asperitates, quas cum Patre suo Gunibero pro honore suo diu suspensio perpeffus est, ad gratiam Imperatoris II. Ottonis ad patriam honorifice cum remearet &c. Diligentiam aliorum scriptorum hic merito desideramus, quæ in bellis Ottonis II. tam fortium virorum operam transmissit. Quid autem hoc loco velit Ditmarus, Eccardi Patrem ab honore suo diu suspensum affirmans, non temere ausum definire. Reinerus Reineccius in Expositione de primis Misnia Marchionibus, non male ita explicat: Gratiam ex meritis dignam non colligit: quippe qui à dignitatibus aliquamdiu exclusus fuerit.*

SECTIO V.

Ubi rebus humanis excessit Otto II. ejusdem filio Otto-  
ni III. contra Henricum Bojariæ Ducem regno in-  
hiantem favebat.

**I**d colligo ex verbis Ditmari lib. IV. quæ subjungo. *Muli ex his fidem violari ob timorem Domini non presumemes paululum evas-  
erunt, & ad civitatem Hesseburg, quo confocii eorum adversus Ducem jam  
palam conspirantes conveniebant, festinavere: Quorum hæc sunt nomina.  
Ex oriente hi Comes cum Bernhardo Duce & Thiedrico Marchione EK-  
KIHARD, Bis, Esico, Bernwardus Comes & clerici. Siftitb ejunque fili-  
us Fridericus & Giza confratres.*

SECTIO VI.

Postea cum Mifeco Polonus & Boleslaus Boiemus inter  
se discordarent, Theophaniæ Augustæ Ottonis III. ma-  
tris jussu, Mifeconi inter alios missus est auxilio. Quod  
vero imparem se virtuti auxiliarium sentiret Boleslaus,  
pacem simulans impetrat, ut Principes, dimisso exerci-  
tu, cum ipso ad Mifeconem ablata reperituri proficisce-  
rentur. Magno per hanc perfidiam obnoxii redde-  
bantur discrimini, ex quibus tamen for-  
tuna comite emerferunt.

**D**ietmarus lib. IV. *Eo tempore Misco & Bolizlaus inter se dissonantes multum sibi invicem nocuerunt. Misco pradiſſa Imperatricis adiutorum poſtulat. Quae cum tunc in Magdeburg fuiſſet, Giſlerum ejusdem Archiepiſcopum, Comesque hos EKKIHARDUM & Eſiconem, Binizonem cum patre meo, & ejus aſquivo Brunone, Deudone, ceterisque compluri- bus eo miſit. — Bolizlaus cum ſuis venit turmatim III. Id. Julii, & utrinque nuntii mittuntur, & ex parte Bolizlai quidam miles, Flopan nomine, ad perſpiciendum agmen noſtrorum acceſſu, & reſuſu inde interrogatur a Do- mino, qualis eſſet exercitus hic, ſi cum eodem poſſet pugnare, an non. — A quo ſic ei reſcriptum: Exercitus hic quantitate parvus, qualitate optimus, & omnis eſt ferreus, pugnare cum eo tibi potis eſt: Sed ſi tibi victoria hodie eveniſſet, proſterueris, ut fugiendo Miſiconem inimicum, tunc continuo perſequentem, vix aut nequaquam evadas, & Saxones tibi hoſtes in perpetuum acquiras? ſi autem viclus fueris, ſinis eſt de teſe ipſo & de omni regno ad te pertinenti: non enim remanet ſpes ulla reſiſtendi inimi- co te undique ſecus vallanti. Talibus alloquitur furor illius ſedatur, & pace ſacta, Principes noſtros alloquitur, ut qui contra eum huc venirent, cum eo ad Miſiconem pergere & in reſtituendis ſuimet rebus ſe apud Miſiconem adjuvare voluiſſent. Hoc laudabant noſtri, & Giſlerum Archi- praeful cum EKKIHARDO, Eſicone & Binizone Comitibus proſciſceba- tur cum eo, ceteris omnibus domum cum pace revertentibus. Venit Bo- lizlaus cum noſtris ad Oderam, ad Miſiconem nuntius mittitur, qui diceret, ſe in poteſtate ſua auxiliares ſuos habere, ſi regnum ſibi abla- tum redderet, hoſ incolentes abire permetteret; ſin autem, omnes perderet. Sed Miſco hic talibus reſpondit: Si voluiſſet Rex, ſuos acquireret ſal- vos, aut ulciſci perditos faceret, & ſi hoc non fieret, quod propter eos nihil omnino perdere voluiſſet. Hoc Bolizlaus ut accepiſt, ſalvis omni- bus noſtris, quacunque potuit, ex locis circumjacentibus pradiſſatur ac in- cendit.*

#### SECTIO VII.

Porro cum Brandenburgum nuper amiſſum repeterent Luitici Slavi, contra eos quoque ab Ottone III. miſ- ſus eſt ECCARDUS.

**D**ietmarus L. IV. *Quia ſuperius deſtructionem Brandenburgens Eccleſia dixi, nunc qualiter ad tempus praefato ſubdiceretur Regi, bre- vi explicabo. Eunt in noſtra vicinitate quidam miles inclitus Kiza nomi- ne,*

ne, qui à Marchione Thiedrico, aliter quam sibi placeret, habitus est. Ob hoc, & quia facultas sua nequaquam impietati suppre- ret, ad hostes perrexir nostros, qui in omnibus sibi nimis fidem cogno- scentes supra memorata urbem nobis satius ad nocendum eidem commi- serunt. Illic postea nostris delinitis blanditiis, eam regia potestati cum semet ipso tradidit. Unde Luitici nimio furore succensi, cum cum omni- bus quas habebant catervis, illico petebant. Interea Rex in Magdiburg fuit, & cum hoc comperiret, quos ibi tunc habebat, celeriter eo misit EK- KEHARDUM Marchionem, & tres avunculos meos, Henri- cum, Udonem Sigfridum cum Friderico Comite Palatino, & patruo meo.

### SECTIO VIII.

Otto III. ECCARDI fide ac virtute motus, à morte Ri- dagi Marchionis, excluso ejusdem filio Carolo, Mar- chiam Misenensem confert ECCARDO; quæ forte tum hæreditarium jus ac honorem beneficiaria successione innixum adepta est.

#### §. I.

**A** Morte Ridagi ECCARDUM accepisse Marchiam Misen- sem certum, ac confirmat Ditmarus lib. IV. Post mortem, in- quiens, Ridagi Marchionis in Ekkibardo succedente.

§. II. Jam scire multum referret, quo anno decesserit Rida- gus. Nam ex eo esset judicare, an ECCARDUS ab Ottone II. an filio ejus Ottone III. Marchiam Misenensem impetrasset. Apud Ditmarum nihil reperio, quod huic scrupulo eximendo sufficiat: nec in proximæ ætatis Scriptoribus certi quidquam apparet. Ve- tus tamen Chronicon Saxonicum Albino laudatum tato Ridagi assignat annum DCCCCLXXXVI. Huic igitur si habenda fi- des, necessum est Ottonem III, Eccardo contulisse Marchiam: quandoquidem Otto II. triennio ante vitam finiverit. Huc ac- cedit, quod Ditmarus in gestis Ottonis II. & sub initia Ottonis III. Eccardo tantum Comitatus titulum tribuat, postea autem Marchio- nem quoque nuncupet. Quid enim clarius his verbis? Et ad ultimum erumpens per fideles internuncios EKKIHARDO, tunc Marchioni desiderium diu latens aperuit. Quo ipso videtur signi- ficare

ficare; tum quando uxorem duceret ECCARDUS (quod factum sub Ottone II.) nondum fuisse Marchionem: et cum Luidgerdam primogenitam nubilem Luthario Comiti conjugem pro Wirinbario filio expetenti pacifceretur, jam Marchionatum impe-  
trasse. Præterea Ottoni III. malum hoc adscribere: inprimis quia Dittmarus testatur, Eccardum Ottoni III. multum placuisse, & apud eundem inter alios Primates multum valuisse: Item: apud eum inter præcipuos habitum. Interim vix ante annum DCCCCXCIV. Eccardus, Marchio fuit creatus. Nam in Archivo Numburg. Diploma aservatur Ottonis III. anno DCCCCXCIII. datum, quo Eccardus non Marchio, sed Comes appellatur. Verba Diplomatis huc spectantia adscribo: *Otto Rex ob petitionem & interventum Willigisi Moguntina Sedis Archiepiscopi--- nec non Bernbardi Ducis--- dedi sex mansos regales in villa Holtzhusen dicta sitos, & in Comitatu Ekkibardi Comitum in Thuringia.* Aut ergo fallit nos Chronicon Saxonicum, aut Marchiones etiam Comites fuere dicti. Hoc, quidem Scriptoribus aliis non adeo est insolens: at de Diplomati-  
bus adhuc dubito. Posses tamen dicere, Eccardi unicum tantum titulum exprimi, Thuringiacum videlicet, quod ad eundem pertineret donativum. Nam per Thuringiam quoque Eccardum valuisse scēt. XIII. monstrabimus.

§. III. Exclusus autem a successione paterna fuit Carolus, idque per accusatorum calumniam. Sinisteriorem fortunam is tamen æquo tulit animo, ac anno demum MXIV. XXVI. Februarii obiit. Auctor iterum est Dittmarus lib. VII. scribens: *Eodem anno IV. Calend. Martii, obiit Carolus Comes Rigdagi Marchionis filius, qui omne suum beneficium injuste accusantium iurgida inflatione & nulla sua culpa primi perdidit, & illatum facinus equanimiter portavit.* Huc spectat sequens distichon Petri Albini in Carolum:

*Exclusit Carolum scelera calumnia regno,  
Hanc sortem placide mens generosa tulit.*

Et alterum in ECCARDUM I.

*Neglecto Carolo me prætulit Otto secundus  
Præfectum terris Misnia term suis;*

Otto.

Ottoni II. id tribuit Albinus, cum multis aliis : & in his Peucero *Chronici Carionis lib. IV.* Ridacus, inquit ille, *agere Misniam defendit contra Bojemos.* Hujus filio Carolo excluso Otto II. provinciam tuendam commisit Echaro filio Guntheri Comitis, in ea parte Misnæ, quæ peculiariter Orientalis regio vocata est.

§. IV. Quod autem Marchia Misnensis jam sub ECCARDO facta sit hæreditaria, colligi videtur ex Dltmaro, qui libro V. laudibus Eccardi computat, quod maximam partem beneficii in proprietatem acquisiverit. Verba integra sic habent: *Hujus (Eccardi) vite cursum quam probabiliter egit, hoc etiam testificatur, quod apud Dominum suum et beneficii maximam partem acquisivit in proprietatem.* Unde & apud Reineccium Expositione de Marchionibus Misniæ legas: *Bona quæ possideret dedita: hæreditaria impetrat.* Marchiam quidem non expressit Ditmarus: putaverim tamen ex dictis posse exculpi. Per Dominum autem Ottonem III. intelligendum ex jam propositis liquet & recte id affirmat Dresserus *Isagog. Histor. millenar. VI. part. II.* quamvis plerique alii in Patrem inclinent, Unde Reineccius libello de Misnensium origine & adventu in eas terras scribit: *Unicum hoc de Marchionibus silentio præterendum non est: ex ipsis ECHARDUM principia ab Ottone II. Imp. Misniam hæreditarie possedisse, postquam Bohemos, qui eam occuparant, inde ejecit.* Ceterum de Bojemis Misniam relinquere compulsi proxima sectione agemus.

#### SECTIO IX.

Ea re quasi materiam uberiolem exercendæ virtutis sibi oblata rarus, mox Boleslaum Bojemum Misena cessionem sibi militare compellit. Inde finitimos Milzenos adoritur atque edomat: denique cum Boleslao Polono fœdus & amicitiam conjungit.

##### §. I.

**T**Ria præsentî sectione complectimur: primo Boleslai Bojemî ex Misnensi urbe ejectionem; deinde Milzenorum coercionem; denique Eccardi cum Boleslao Polono conjunctionem. De singulis pauca afferemus.

§. II. Quod ad Boleslaum Bojemum attinet, is tempore Marchionis Ridagi Misena potitus. Seriem gestorum pandit

Ditmarus lib. IV. cujus narratio meretur adscribi. *W'igio miles Boleslai, Ducis Bojemorum qui Henricum (Boj.rix Ducem piz Ottonem III. regnum ambientem) cum exercitu comitabatur, cum ad Muni redeundo perveniret, cum habitatoribus ejusdem pauca locutus, Fridericum, Rigdagi Marchionem, tunc in Mersburg commorantis, amicum, & sanctum, ad Ecclesiam extra urbem positam venire, ac cum eo loqui, per internuntium postulat. Hic ut egreditur, porta post eum clauditur, & Rigdagus ejusdem civitatis custos & inclutus miles juxta fluvium, qui Trilisa dicitur, ab his dolose occiditur. Urbe autem praedita Boleslavi mox praesidio munita, eundem cito dominum & habitatorem suscepit.*

§. III. Ac tum quoque Volcoldus Episcopus Misnensis sede ejectus ad Willigisum Moguntinum Archiepiscopum fugit. Ditmarus: *A quo (Boleslao) Volcoldus anistes vulgi instinctu variis expellitur, & ad Willigisum Archiepiscopum veniens, benigne ab eodem suscipitur.*

§. IV. Paulus Langius in Chronico Citizenensi hanc Misniaz occupationem primo quidem Duci Bojemorum quem appellat Dedi, tribuit: postea tamen & Boleslai, ex fide Ditmari, meminit. *Regnaure, inquit, Ottone II. Ecclesia hac Citizenensis ab exercitu Bojemorum Dedi Duce capta & depraedata fuit, & Pastor ejus memoratus Hugo cum omni clero & civitatis populo inde fugatus est & expulsus. Eodem quoque rerum turbine Ecclesia Misnensis percellitur & vastatur, & spectabilis vir Volcoldus Episcopus ejus secundus diminutus, ad Willigisum Archiepiscopum Moguntinum declinavit: a quo & honorifice susceptus fuit. Ditmarus tamen, Mersburgensis Ecclesia praesul quartus & historicus insignis scribit, praeditam vastationem per Boleslavi Ducem Bojemorum & ejus exercitum esse paratam. At nisi me cuncta fallunt, Langius hic duas Bojemorum irruptiones conjungit, quarum altera utrique Dedi adscribenda, altera Boleslao. Hae post mortem Ottonis II. contigit, ista ipso adhuc vivo.*

§. V. Misna igitur ad Ridagum non rediit, sed in Bojemorum potestate usque ad ECCARDUM permansit: qui Boleslavi cedere coegit, ac reduxit Volcoldum. Ditmarus I, IV. ibi (Erfordix) diu conversatus (Volcoldus) post mortem Rigdagi Marchionis inclito Ekkehardo succedente, & Boleslavo ad propria reme-

*veniente, sedem propriam revisti : Idem lib. V. de Eccardo: Bojemorum Ducem Bolitlaum, qui cognominatur Ruffus, ad militem sibi adipiscitur. Fabricius Annal. Misniz lib. I. ad ann. DCCCCXC. Echardus Marchio ex urbe Misna Bobemos eiecit. Volebndum recipi in fidem & amicitiam. Idem in Originibus Saxon. Ducem Bobemiz in Bolitlaum à barba cognomento dictum Ruffum sibi & blanditiis & officiis conciliat, & minis in amicitia retinet. Quæ tamen verba ex Ditmaro expressa Boleslaum Bojemum & Polonum videntur commiscere.*

§. VI. ECCARDUM Milcienos coercuisse, brevibus indicat Ditmarus lib. V. *Milcienos, inquiens, à libertate indito servituti jugo constrinxit. Fuere autem Milcieni gens Slavica, quæ olim Misniz partem infedit. Eos quidem maxime Henrici II. temporibus floruisse putat Reineccius Proæmio in Ditmarum: attamen & Henrici I. temporibus satis viguisse constat, cum i's quoque in officio continendis Marchia Misnensis ab Henrico constituta. Testis iterum est Ditmarus lib. I. Nomen (urbi) Misni imposuit, quamvis hodie in usu habetur, præsidio & impositionibus cetera munivit. Ex ea Milcenos sua subactos ditionem suam persolvere coegit.*

§. VII. Demum conjunctio ECCARDI cum Boleslao Polono obscurius proponitur à Ditmaro. Nam postquam dixerat, Eccardum Bojemorum Ducem Boleslaum militem sibi adjunxisse, addit: *aliumque (is erat Polonus) ad amicum familiarem blanditiis & minis adipiscitur. Neque plura hæcenus in veterum lectione de hoc argumento observavi.*

## SECTIO X.

Ottonem quoque III. in Italiam secutus, reversum inde & in Poloniam cogitantem redux ipse excipit Misnæ honorifice.

### §. I.

**E**CCARDUM cum Ottone in Italia versatum Ditmarus his designat verbis lib. IV. *Imperatore & Ekkibardo pariter tunc in Romaniam commorante &c.*

§. II. De Ottonem III. Misnam veniente & ab ECCARDO, honorifice accepto idem: *Cæsar autem ad Cicensem perveniens urbem,*

urbem, à secundò Hugone ejusdem sedis provisorio tertio, ut decuit Imperatorem, suscipitur. Deindeque recto itinere Munensem tendens ad civitatem, à venerabili Egedo, hujus Ecclesie Episcopo & à Marchione Ekkibardo, qui apud eum inter precipuos habebatur, honorabiliter accipitur. Eadem repetit Paulus Langius.

SECTIONO XI.

Cum Cæsaris in ipsum aucta benevolentia, hunc jam solus possideret, parem ad huc sibi Gisilerum Archiepiscopum Magdeburgensem ægre fert.

**D**itmarus l. IV. Augusto saepe memorato Gislerus Archipræsul multum charus fuit, quod Ekkibardum Marchionem primo latenter mordit, posteaque paulum emerfit, cum hanc in omnibus sibi priorem esse non sine gravi dolore persensit. Deipso Gisilero alibi latius agemus.

SECTIONO XII.

Bennonem strenuum militem Berthæ filium, nescio quibus de causis, ECCARDUS excæcavit.

**D**itmarus d. I. In illo anno, prædictum frater (Husuardi) viclor, ut spero, effugus, ac de commissis penitentia ductus, VII. Cal. Martii seculare periculum evasit: quem agonizantem mater sua Pertha nomine jam decrepita consolatur, geminum patienter ferens dolorem. Nam tunc erat annua dies filii suimet Bennonis, optimi militis cui prius oculus abstulit Marchio EKKIHARDUS,

SECTIONO XIII.

Non in Marchia tantum Misnensi valuit ECCARDUS, sed etiam per Thuringiam: ut adeo communi totius populi suffragio Dux Thuringiæ constitueretur.

§. I.

**E**legans hac de re locus est Ditmari lib. V. Super omnem Thuringiam communi totius populi electione Ducatum promeruit. Comitibus vero Orientales paucis, tantum exceptis, regnumque in spe habuit.



§. II. Ceterum quæras non immerito, qualem *Ducatum* intelligat *Ditmarus*. Si ejusmodi Principatum, ac per *Bojariam* & *Saxoniam*, aliasque provincias jam ab antiquo invaluerat, & quorum hodie longe plures meminimus; an unquam *Thuringia*, præsertim universa, hanc speciem regiminis contraxerit, valde dubitaverim: id quod clarius patebit, si quando in antiquum *Thuringiæ* statum a temporibus Carolingicis reperitum licuerit inquirere. Quid si ergo de *Marchionatu Thuringiæ*, cujus memoriam aliquoties offendimus, quemque postea *Landgraviatus* videtur absorpsisse, interpretaris? Ita sane accepit *Dresserus*, cujus hæc sunt in *Isagog. Hystor. Ad Misniam* *Eckardus adjunxit Duringiam, & Duringorum etiam Marchio nominatus est*. Sed quid tum facies *Diplomati* *Otonis III. scilicet; VIII. §. II. laudato*, in quo *Eccardus Comes in Thuringia* vocatur? Redit enim dubium ibidem propositum, an *Diplomata* *Marchionibus simplicium Comitum* tribuere soleant titulum. Forte igitur *Ducatus* *militaris* fuit, ad quem totius populi electione sublatas. Certe non contemnenda hæc est conjectura *Zaderi* nostri, cui, donec meliora afferantur, subscribo.

§. III. Interim & hoc *Ditmar*i testimonium illis censco obvertendum, qui *Thuringiam* a temporibus usque *Otonis* *M. ad Conradi II. ævum* sub *Archiepiscoporum Moguntinorum* imperio fuisse asserunt. Quibus faculam prætulit vetustus *Auctor de Landgraviis Thuringiæ cap. X.* In eandem sententiam scribit *Paulus Langius*: *Hic est ille Guibelmus Archiepiscopus Moguntinus, cui Pater Otto dedit Thuringiam & Hassiam cum pleno jure, & dominio*. Repetit postea errorem: sed bene est quod max stylum moderetur, & *Moguntino* præter jurisdictionem spiritualem & ad aliquanta bona temporalia nihil arceget. Ita autem differit: *Otto magnus ex Adelbeide uxore sua secunda duos suscepit liberos, Otonem regni successorem, & Wilbelmum Archiepiscopum Moguntinum. Hic est Wilbelmus ille, cui Pater Otto post mortem Ducis Burghardi, qui ab Hungaris interfectus sine liberis obierat: dedit totam Thuringiam & Hassiam cum pleno jure & dominio ad honorem Dei & sancti Martini Moguntinensis Ecclesie patroni. Qui intrans dictas terras in possessionem suam cepit, & Erpbordiam tunc apertam muro cinxit. Hoc mihi videtur*

verum, quantum ad jurisdictionem spirituales, & fortassis etiam ad aliquanta temporalia bona. Nam ipsa Hassia ab illo tempore usque in presentem tempus semper habuit in temporalibus Dominum, qui se hujus terræ Principem & Landgravium Hassiæ scripsit. At enim hic errorem indicasse suffecerit, quem alias prius consutare decrevimus.

#### SECTIO XIV.

Tanta potentia ECCARDO inspiravit ambitum regni Germanici, ab excessu Ottonis III. Sed statim in conventu Frosano ei obstitit Lotharius Comes electio Regis ut in conventum Werlanum rejiceretur, perficiens.

§. I.

**D**itmarus lib. IV. Interim Principes Saxonia comperta Senioris sui nec immatura, ad Frasam curtem regiam (Frosa est in Archiepiscopatu Magdeburgico hodie ignobile oppidum) quam tunc Guncelinus Comes ex parte Imperatoris in beneficium tenuit, tristes conveniunt, Gislelmus Archiepiscopus Magdeburgensis cum: Coepiscopis, Bernhardus Dux Lutharius & EKKIHARDUS ac Gero Marchiones: cum optimatibus regni, de st. in Republica irascentes. Comes autem Lutharius, ut pro primo pensisset, EKKIHARDUM se velle exaltare super se Archiepiscopum predictum, meliorem Procerum partem in secretum foras vocavit colloquium, hoc omnibus dans consilium, ut juramento firmarent, se nullum sibi Dominum vel Regem communiter vel singulariter electuros ante constitutum in Werle colloquium. Quod ab omnibus laudatum, excepto EKKIHARDO, & collaudatum. Hic se paululum à regni fastigio dilatum graviter ferens erupit: O Luthari Comes, quid adversaris? & ille: Num curru ino quavis deesse non sentis rotam? sic interrupta electio, & vera antiquorum relatio, quod unius noctis intermissio, fiat penitus anni dilatio, & illa usque in finem vite hujus prolongatio.

§ II. Albertus Kranzius Saxonia lib. IV. cap. XXVII. & Petrus Albinus Commentario Rerum Manicarum tit. XI. dictiterium tribuunt Lothario Hermanni Billingi filio, quem hic Saxoniae & Lunenburgi Ducem facit. Verum Hermannus in Saxonia Ducatus (Lunenburgensis tum nondum natus) non successit Luderus, sive Lo-

Lotharius filius, sed Benno, qui & Bernhardus dicitur. De quo autem nos in presenti agimus, erat patruus ipsius Ditmari Historici, Marchio Bernburgensis quem saepiuscule patruelis commemorat. Quam vero tota narratio Krantziana sit corrupta, evidenter constabit si cum Ditmari dictis contulerimus. Ita autem Krantzius: *Erat per idem tempus & alius Marchio Saxonia, Egbertus, qui magno studio contendit post Ottonem III. ad Imperium, sed frustratur diligentia Bennonis Ducis Saxonie & Luderi Comitis fratris ejus. Inter jurgia dixisse ferunt Egbertum Ludero: Quid tibi tam acriter in protectione resistisset; illumque respondisse: Ex quatuor rotis ad currum, vix illi fuisse unam. Processit ea res in id discordia, ut ab illius fratribus Egbertus opprimeretur. Deus bone, quæ errorum confluxes! Nam primo non Egbertus erat, sed ECCARDUS, qui inhiabat regno: dein non Marchio fuit Saxoniz, sed Misniz. Porro non reperimus Benonem Saxoniz Ducem Eccardo adversatum. Nec dixit Lotharius singulas desiderari rotas; sed saltim quartam, Denique non a Bennone & Lothario, sed à Sigfrido Comite oppressus est ECCARDUS. Hæc sane argumento sint, quanta cum circumspectione legendus Krantzius. Fabricius quoque aut non videtur cepisse, aut perveritisse mentem Lotharii, sic illum introducens loquentem; An nescis Echarde, rotæ quatuor currui esse opus? quarum tibi tres adhuc desunt. Etiam illud est ab ingenio Fabricii: Quod dictum Echarde ita tulit insolenter, ut Luthario mortem minitaretur. Nisi forte hausserit ex Annalibus, quos aliquoties laudat, Magdeburgicis.*

#### SECTIO XV.

Nec sic tamen quiescit ECCARDUS: & cum jam Henricus II. in comitiis Werlensibus rex esset designatus, novis rebus studens, regios sibi in accubitu honores usurpat: ac tametsi ea re offensi animi plurimorum, eosdem tamen etiam Hildeshemii repetere audet. Inde Paderbornam profectus, non pro spe accipitur, nec, quod cum Hermanno Duce Sueviz colloquium Duysburgi meditabatur, succedit.

**D**ietmarus lib. V. *Hujus (Lotharii) consilio Dux Henricus quendam militem ad civitatem, quæ Werlis dicitur, ad nepotes suas conforores Sophiam & Ethelbeidam, & ad omnes, qui tunc ibi convenerant, regni Primates misit. Quo omnibus in unum collectis, legationem suam aperuit, auxiliantibusque Domino suo ad regnum, bona plurima promissit. Cui mox à maxima multitudine vox una respondit: Henricum Christi adjutorio, & jure hereditario regnaturum, se paratos ad omnia, quæ sibi nunquam forent esse voluntaria. Hocque dextris manibus celebrati affirmatur. EKKIHARDUS cum suis, quia præsens non erat, (Quid igitur Fabricius? Eobardus qui tum consiliis intererat, placere sibi actionem simulabat.) simulata tunc patientia hoc pertulit: quia quicquid peccatur à multis ut scriptura testatur, inultum est. Tæpe re autem jam factis, cum præfatus Dominabus in magna domo sedilia auleis ornata, & mensa esset variis cibis referta, EKKIHARDUS eandem præoccupans, cum Arnulpho Episcopo & Bernhardo Duce ibi epulatur. Anterunam enim exaltabitur cor, & ante gloriam humiliabitur. Quod mentem confororum prius tristem ceterosque complures, qui interfuerunt, commovit multum, renouaturque in eundem odium diu celatum, sed cito, prob dolor! finitum. Namque cum prædictus Marchio, omnia aliter, quam speravit, ibi provecire prospexisset, optimum duxit, ut Occidentales visendo regiones, Hermannum Ducem cum ceteris optimatibus de Recip. suisque commoditate alloqueretur. Salutatâ postera die suis familiaribus inimicisque caute notatis cum Berwardo antistite Hildesheim venit, ubi ut Rex suscipitur, honorificeque habetur. Deinde ad Pathabrunnam pergens, clausus invenit portas, & jussu venerabilis Rhetarii Prasulis intramissus, primo Ecclesiam causa orationis intrat, postque ad domum, ubi Episcopus canabat, veniens, caritative susceptus est. Ibi tum dictum est huic, quod colloquium in Duisburg, cuius gratia huc venerat, fieri nullo modo potuisset. Insuper animadvertit, multum displicere Antistiti de incepto ejus inconvienti. Gobelinus persona Cosmodromii Etat. VI. cap. LII. Henricus existens Dux Bavaria, cum corpus Ottonis III. per Bavariam Aquigrani tumulandum daceretur, rogabat Principes corpus ipsum ducentes, ut se eligerent in Regem: quod & factum est: maxime ad hoc procurante Williso Archiepiscopo Moguntino. Quibusdam tamen Principibus regnum appetentibus displicuit, quorum unus fuit ECKHARD.*

*HARDUS* Marchio *Misfuentis*, qui sperans regnum consequi posse, versus *Duchborg*, quo Principes conventuros estimavit, se direxit. Unde in *Hildenheim* a *Bernwardo* Episcopo quasi Rex honorifice susceptus est. Deinde cum venit *Paderborne*, clausas civitatis portas invenit: sed iussu Episcopi *Reiharii* intromissus est, & cum Episcopo ipsa convivit. Cumque intellexit, quod Episcopo *Reihario* intentio sua de regno obtinendo displicuit, & quod colloquium principum in *Duchborg* non fieret, reversus in *Saxoniam*. Ex *Ditmario* & *Gubelino* corrigendus est *Krantzius*, qui pro *Duisburgo*, ubi conventus celebrandus erat, *Dusseldorpium* substituit *Meiropol.* lib. IV. cap. II. quod & facit *Fabricius*. Neque ex his elucet rem eo adduxisse *Eccardum*, qui *Paderborne* Rex sit proclamatus: quod tamen diferte scripsit *Dresserus* in *Isagoge Histor.*

#### SECTIO XVI.

Cum domum rediturus, *Northemium* deflexisset *EC-CARDUS* ad *Sigfridum* Comitem, ab huius filiis, e quibus *Henricum* cædi ioris iussu *Otonis III.* procuraverat, strui sibi insidias cognoscit. His elapsus ab insequentibus noctu opprimitur *Poledæ*: & cum e comitatu ejus cæsis fidelissimis ipse pugnare pergeret fortiter, a *Sigfrido* hasta collum transverberatur, & lapsantis caput cervicibus abscinditur. Factum hoc anno MII.

II. Kal. Maji.

#### §. I.

**D**istinctior longior narratio hæc interpretabitur. Propter hoc *Abiens* (*Paderborne*) cum ad *Northem* *Sigfridi* Comitæ curtem veniret, diligenter susceptus est, atque ut ibi pernoctare vellet, rogatur. *Invitavit* huic occulte *Domina* *Etzelind* Comitissa, quod *Sigfridus* & *Benno*, senioris suimet filii, confratribus *Henrico* & *Uldone* aliisque conspiratoribus suis, de necē suā positis trallarent insidias, suppliciter efflagrans, ut alibi usque in crastinum maneret, seu alio diverteret. Talia *Comes* benigne suscipiens, propositum itineris propter eos interrumpere nequam posse nec velle, respondit. Inde protinus duccens, caute suos per omnem viam hanc circumspexit, & ut optimus erat miles, ne terrentur, admonuit. Quod eminus hostiū & latentibus insidiis confid-

rans, quia non illic tunc videbatur, disfulit, & sequenti nocte in captis  
persistere, dextris confirmavit. Pervenit autem Comes ad locum pra-  
destinatum, qui Polichi dicitur & facta vespere comedit, & in lignea  
caminariae cum paucis dormitum ivit. Ceteri vero quamplurimi in pro-  
ximo quiescebant solaris. Quos cum sopor opeia lassos gravaret, ini-  
mica manus incautos opprimens invasi. Comitemque clamoribus immen-  
sis excitatum, a lecto celeriter surgere compulit. Is vero bracia suimet, &  
quibuscunque potuit igni vires suggerit & quod tunc praemeditari non  
valuit, fractis sensibus majorem nocendi, quam se defendendi hostibus  
aditum patefecit. Nec mora. pra foribus occiditur miles Hermannus  
& exterius ad auxilium domino properans Aulphus, ambo fortes, & us-  
que ad mortem fideles. Vulneratur insuper Erminoldus, Imperatoris  
Camerarius, ac solus tunc repugnat EKKHARDUS, vir domi militi-  
aque laudabilis, cui Sigfridus, hasta fortiter emissā, nodum cervicis  
infregit, terramque oppetere compellit. Quo casu protinus perspecto, a-  
lacriter omnes irruunt, caput amputant, & quod miserum, funus pra-  
dantur. Facta sunt autem haec II Cal. Maji. Peracla tandem im-  
mani scelere percussores laici & incolumes rediunt. Hi autem, qui in  
solario erant ignavi, nec Dominum laborantem in aliquo adjuvabant,  
nec mortuum ulcisci conabantur. Abbas vero ejusdem loci, Altherus  
nomine, corpus visum. ac commendationem animae summa devotione  
perfect. Quae vero sit causa, quae hos ad tale facinus perpetrandum per-  
suaserit veraciter explicare nequeo. Quidam dicunt Henricum infansulum  
predisti Comit'is ab Imperatore flagellum casum, haec sepi in eum medita-  
tum fuisse. Alii autem, sicut praedixi in Werla ob contumeliam con-  
soriorum illatam: quia isti libenter his serviebat; ac per convitia minas-  
que ab ipso sibi manifestatas, haec eos incepisse.

§. II. Locus ubi peracta caedes, diversimode scribitur,  
ceu patet ex sequentibus testimoniis. Lambertus Schafna-  
burg. ad ann. M I. Eggihardus Marchio, regni usurpator, Polodi occi-  
sus est. Appendix Chronici Montis Saceri Ekkehardus Marchio  
in regia curie, quae Police dicitur, interfectus est. Gobelinus: In loco,  
qui dicitur Polichi, ab hostibus comprehensus, nocte occisus est. Paulus  
Langius: Egardus Marchio Misnensis supradictus, defuncto Otto-  
ne usurpare utebatur regnum, festinabatque eligi: sed à Principibus  
fuit reprobatus, eodemque anno Polodi occisus. Auctor Chronici  
Du.

Ducum Brunswicensium à Madero editus: *Ottone III. defuncto Principes ad electionem Regis conveniunt in Poleda. Et tunc trahebatur de Ekehardo, Ekehardi Marchionis Orientalis filio, qui erat dives & prepotens Marchio Orientalis, Sifridus & Benno, filii comitis Sifridi de Bruenborch, cum Comite Thiderico de Kacelingsborg ipsum Ekehardum ibidem in Poleda occiderunt. Habes hic Polithi, Polce, Poledi, Palichi, Poledi, Poleda. Ultima vero censuram merentur. Nam nec de eligendo Rege ibidem conveniunt Principes: nec (quod supra ostendit) Eccardus Patrem habuit cognominem, sed Guntherum. Alioquin eadem & auctores de novo idem scriptor memorat his verbis: Gertrudis nupsit Comiti Henrico, qui Pinguis dicebatur, qui fuit filius Ottonis de Northeim, Ducis quondam Saxonie, & erat de progenie Sifridi Comitis de Bernebroch, cuius filii, ut supra dictum est, EKKHARDUM Marchionem in Poleda occiderunt.*

§. III. Ceterum non immerito quæras, qualis ille locus, & ubi terrarum situs, in quo tantus Princeps occubuit. Fuisse ibidem monasterium, dubitari nequit. cum Ditmarus Abbatem recenseat. Jam recentiores quidam tradunt, Mathildam Henrici Aucupis uxorem illud construxisse. Auctor Compilationis Chronologicæ nuper cum fragmento Gervasii Tilberienfis à Madero editus ad ann. DCCCCXXXVI. Cujus (Henrici Aucupis) uxor B. Melchilidis fundavit cenobium in Palude seu Polde & Northusen. Verum & Palatium regium ibidem existisse, non est difficile probatu: quandoquidem Ditmarus & Appendix Chronici Montis Sireni *civitatem regiam* nuncupent. Nescio an huc referam, quod Auctor Chronici Sirenis Ducum Brunswicensium *Officii imperialis in Poleda* meminert. Huc accedit, quod frequenter eo loci Reges commorati. Ditmarus lib. V. de Henrico II. *Post hac Natale Domini in Polithi more priorum divinitus ac humanitus honorando, peregit.* Idem lib. VI. de eodem: *Proximum regale Domini Rex in Polithi celebravit, & ibidem Thiderico, prædicti Comitis filio Comitatum ac omne beneficium jure & hortatu Regine ac Principum suimet, dedit.* Ac iterum eodem libro: *Rex Natale Domini festiva jucunditate in Palthi celebravit.* Et rursus; *Post hoc natale Domini in Palthi festiva peregit gaudia.*

Ac denuo: *Papa Benedicſſim Gregorio cuidam in electione prevaleuit. Ob hoc iſte ad nativitatem Dominicam in Palithi venit. Sic. lib. VII. Natale Domini celebravit in Palithi. Mox eodem libro: Natalem dominicum in Polithi coluit. Lambertus Schafnaburg. ad ann. MXLVIII. de Henrico III. Imperator Natalem Domini Polethz celebravit. Et mox: Feſtum S. Michaelis Imperator iterum Polethe celebravit. Et ad annum MLII. Imperator Natalem Domini Polethz celebravit, ubi filio ſuo Henrico adhuc catechumeno Principes regni ſubjuramento fidem promittere fecit. Quod ſi igitur aula hæc imperialis conflagravit anno MXVIII. ceu ſcribit Fabricius lib. II. Orig. Saxon. vero non eſt abſimile, brevi poſt fuiſſe reſtitutam. Fabricius autem ſua de incendio Polethano videtur hauſiſſe ex Ditmari lib. VII. ubi ait: *Curtis pars maxima imperialis in Palathi combuſta.* In Saxonia autem ſitam fuiſſe curtem regiam patet, ne quis Apoldam fuiſſe conjeſſet. Meibomius *Notis ad Gobelinum* monet Poledam eſſe *monaſterium S. Benedicſſi in dioceſi Moguntina.* Sed hæc fortaiſſis alia fuerit Poleda. Cyriacus Spangenbergius *Chronici Manſfeldenſis* cap. CLXXIII. haud procul Hartzburgum collocat. Reineſius *Variar. Leſſion. lib. II. cap. XVI.* conjicit Poledam eſſe caſtrum Beſſelden ad radices montis Meliboci ſitum. In Mappa Geographica Ducatus Brunſuicenſis inter Northemium & Northuſam occurrit locus Polde: & in alia quadam mappa, quæ Janſonium habet auctorem, adhuc ſignificantius exprimi, nuperrime ad me perſcripſit Dn. Zaderus. Nec ignotus eſt locus iſte Venerabili Eccleſiæ noſtræ Antiftiti Dn. M. Theophilo Colero. Nulla igitur amplius de eo nunc reſtat dubitatio.*

#### SECTIO XVII.

Corpus ECCARDI ab uxore & filiis primum JENÆ ſepultum, poſt Naumburgum fuit translatum. Inſtar Epitaphii eſſe poteſt ſequens elogium à Ditmaro ſcriptum: Hoc ſcio, quod decus regni, ſolatium patriæ, ſpes commiſſis, terror inimicis, ac per omnia perfectiſſimus foret, ſi in humilitate ſolum perſiſtere voluiſſet.



§. I.

**D**ietmarus lib. V. *Hujus (tam miserabilis cælis) fama diu mox propagata, Dominam Sponchildam venire fecit obviam, filique ejus lætitiæ turbavit Hermannū. Is namque cum jussu Patris, Wilbelmum Comitem, senectute ac omni bonitate profectum, ob vindicandam Wīdikindi & Hermannū necem, a filio suimet ciuitatē, valida manu in Wīmari possideret, emeritumquē senem in præsentiam prædicti Comitis venire, & quicquid ipse ab eo exposceret, implere constringeret juramento, accepta nece Parentis improvisa, cum matre celeriter occurrit, Patriusque corpus ingenti luctu suscipiens, in urbe, qua JENÆ dicitur, sepelivisset. Per alio autem tricesimo die Domina Sponchilda ad Muni profectitur cum filio. De sepultura JENENSI ita scribit Wolfgangus Heiderus, celebris quondam hujus Academiæ Professor Orat. VI. Parentaliorum Johannis Ducis Saxoniz quæ agit de matrimonio auspiciatissimo Principis: Eius cadaver Schwanbildis uxor, & Hermannus filius JENAM, hoc nostrum in oppidum, quod tum illorum sedes erat, transulerunt, & in eadē sacra terris honorifice mandarunt, idque factum anno millesimo secundo, ut Lamberius refert seu quarto, ut Annales Magdeburgenses. Utinam vero hoc tanti Principis monumentum intra monasteriorum & templorum, quæ collapsæ jacent, ruinas nobiscum, ut olim Archimedis monumentum sua cum sphaera & cylindro inter sentes & vepres Syracusanorum, reperiri posset, hujus urbis ornamentum singulare, & egregium antiquitatis insperata testimonium certo futurum. Indicem hujus loci debet Viro Plurimum Reverendo ac Clariss. Domino M. Adriano Beiero, Ecclesiæ Jenensis Archidiacono, de historia Thuringiaca ac Academica optime merito.*

§. II. Quod vero ad ipsum Heideri spectat votum, mirum non est, si spes illius consequendi decollaverit. Quod si enim standam auctoritati Chronici Ducum Brunsvicensium, corpus Eccardi Numburgum fuit translatum. Verba ita habent: *Qui ad fundum hereditatis suæ delatus, super fluvium Salam (hoc est, proxime ad fluvium) in oppido JENE primitus est sepultus. Postmodum in Ecclesia cathedrali Nuenborch terra solemnitus commendabatur. Sequitur hunc Auctorem Johannes Conradus Dieterichus in Historia Henrici II. Imp.*

§. III.

§. III. Si tempus translationis fuisset definitum, pluribus emergere liceret difficultatibus. Nunc quando solis agendum conjecturis, facile à vero in quibusdam poterimus aberrare. Interim cogitationes meas, ut & M. Johannis Zaderi, quo cum aliquoties familiaribus literis hoc negotium agitavi, proponere non detrectabo. In Ecclesia cathedrali sepultum esse ECCARDUM, vix videtur comprobari posse: ut ut in ea sit sententia Dresserus libello *de praeceptis Germaniae Urbibus*. Nam die post extinctum Eccardum translatio sedis Episcopalis Cizensis versus Numburgum, ac structura cathedralis templi contigit: quod evidenter declarant Diplomata in Archivo Numburgensi asservata, quorum apographa minime fallacia servo. Faluntur ergo Auctor Chronici Montis-Sereni ad ann. MCLXXI. Albinus *Rerum Saxoniarum. Tit. X.* Reufnerus in *Stemmata Witichindae, Chytreus Saxon. lib. II.* & si qui sunt alii, sive translationem Episcopatus, sive structuram templi cathedralis, sive utrumque Eccardo I. tribuentes. Quo ipso simul concidit Albini opinio imaginem illam ECCARDI, quae etiamnum conspicitur in cathedrali aede Numburgensi, representare Patrem Eccardum: cum tamen ad filium cognominem pertineat: cum pluribus ostendemus quando de translatione Episcopatus Numburgensis (quod brevi futurum spero) curatius tractaverimus.

§. IV. Fortassis igitur templum erit S. Georgii, in quo sepulchrum accepit Eccardus I. Cœnobii certe illius origines à Langio, Albino *Tit. X. & XXI.* Laurentio Peccensteinio in *Theatro Urbium Saxoniarum* referuntur in Eccardum I. ejusque conjugem Swonchildam: & id quidem sine ulla contrarii formidine adeo asseverat, Albinus, ut & nobile conjugum par in dicto templo humatum tradat, Misnense vetus chronicon, & Monachum Pirnensem secutus. Idem legas apud Peccensteinium *part. II. Theatr. Saxonici*. Longe sane similius id videtur vero, quam quod Calvisius in *Opere Chronologico*, Binhardus in *Chronico Thuringiaco*, adscribant Ecberto I. Marchioni Saxoniz; Chronicon vero Lipsiense Thomannum, & Annales Neustadienses Ecberto II quamvis & Chronicon Reinhardisbronnense pro Ecberto filio Dizmanni Marchionis de Landesberg militet.

§ V. At quoniam non desunt qui Eccardo II. fundationem huius Ecclesiæ tribuunt, forte consummasse istum dixeris, quæ cœperat materna pietas. Huc enim referre possis, quod in diplomate Henrici III. ann. MLI. legas de Hermannò & Eccardo, quod Ecclesias, Congregationes clericorum, Monachorum, Monialium construxerint. Nam quia hæc de solo cathedrali templo nequeunt intelligi licebit forsitan & ad hanc S. Georgii ædem referre.

S E C T I O XLIX.

Conjux ECCARDO fuit Svonchilda, Hermannii Billin-gi Saxonix Ducis filia, Ditmari Marchionis Lusatiæ vidua, ex qua genuit Hermannum, Eccardum II. & Guntherum: item Luidgerdam, Mathil-dam Odam.

§. I.

Svonchildam facio Hermannii Billingi Saxonix Ducis filiam, fide Ditmari, qui Bernhardi Ducis sororem nuncupat: quam quam is Bernhardus ab aliis dicatur Benno: credo ut distingua-tur à Bernhardo filio, Hermannii nepote. Reineccius tamen Commentar, de primis Misnie Marchionibus Svonchildam Bernhar-di Ducis vocat filiam.

§. II. Nupta hæc primum fuit Ditmaro Marchioni Lusatiæ, qui frater erat Geronis Archiepiscopi Colonienfis. Ditmarus lib. IV. *Ekkihardus Thitmari Comitis viduam, & Bernhardi Ducis sororem, nomine Svonchildam in matrimonium sibi copulavit, ex eaque primo genitam, nomine Luidgerdam, acquisivit filiam.*

§. III. Ex hoc connubio natus Gero, pater Ditmari, avus Ottonis, in quo terminavit ista Marchionum Lusatiæ familia. Auðtor Chronici Montis-Sereni ad ann. MCLXXII. *Ditma-rus Marchio duxit filiam Hermannii Ducis à Lunenburg, Svonchildam nomine, ex qua genuit Geronem Marchionem. Gero genuit Ditmarum, Ditmarus genuit Odonem, qui sine liberis obiit, & in eo posteritatis pro-pagatio cessavit. Hi omnes provincia Lusitzenfis Marchiones fuerunt, que nunc Orientalis Marchia vocatur. De cæde hujus Geronis legen-dus est Ditmarus lib. VII p. 195. edit. Maderianæ.*

§. IV. Postea Eccardus Svonchildam duxit. Laudatus

Auctor Chronici Montis-Sereni: *Mortuo Diehmaro Swanebildis ejus relicta nupsit Ekkiharo Marchioni, filio Guntharii Marchionis de Thuringia, qui Nuenburgensem fundavit Episcopatum, qui genuit ex ea plures filios & filias.*

§ V. Primogenita fuit Luidgerda, quam Lótharius Comes Wirinhario filio suo (*Beringerum vocat Fabricius*) sponsam expetit, & haud gravate impetrat. Ditmarus l. IV. *Lutharius ex clara Thuringia septentrionalis prosapia editus cum vir factus esset, aetatem superare virutibus nitebatur. Cumque secundo mulierum carinus esset Ottoni, ejus auxilio quandam, Godilam nomine, ex occidentali regione nobiliter natam, cum licentia Wiradunensis Wigfridi Praefuli, consobrini ejus, sibi in conjugem desponsavit & acquisivit, quae peperit ei in tertio decimo aetatis suae anno primogenitum, patri sui nomine appellans Wirinharium. Sed cum duae propagines istae, puer inquam & puella, ex tam nobilissima vitæ radice emerfissent, jamjam paulatim ad maturitatem fructus pertingere clyti virtutum scalu nitebantur. Sed Lutharius Comes & puella illius formam & conversationem bonam primo persensit, qualiter eam consociaret filio suo, mentis secreto semper voluit. Et ad ultimum erumpens per fideles internuncios, Ekkiharo tunc Marchioni desiderium diu latens aperuit, ac celeriter impetravit. Convenientibus tunc in unum familiaribus eorundem, promissi legitime Ekkihard Luthario, eandem se filio suo daturum in uxorem more suo, & jure praesentibus cunctis optimañibus affirmans.*

§ VI. Cum tamen Eccardus pacta conaretur rescindere, Wirinharium sponsam absente Mathilda Abbatisa Quedlimburgensis apud quam educabatur, vi rapit, & Walbecum salvus evadit. Ditmarus: *Quicum tertio Ottoni multum placeret, & apud eundem inter alios primis plurimum valeret, nescio qua causa depravatus, pactum firmissime stabilitum interrumpere quam maxime conatur. Quod max Lutharium non latuit, & ut hoc non fieret, anxia menteolvebat. Imperatore & Ekkiharo pariter tunc in Romania commorante, commissa erat Regni istius cura venerabili Abbatisa Mathildi --- in cuius civitate Quedlingeburg nuncupata, puella haec educabatur. Fit publicus in Dornenburg Abbatissa, totiusque senatus in unum conventus. Interim Wirinharium, ut arbitror, non consilio Patrie, sed amore virginis, & ob metum manifesti decoreis, cum confra-*

tribus Henrico, Friderico, ceterisque militibus optimis, urbem praefatus ascendit. sponsamque suam & reluctantem & claman-tem vi auferens, cum suis ad Wallibiki lacus & incolumis pervenit.

§. VI. Raptum zgze ferens Mathilda Principes regni per-movet ad persequendum armis Lotharium: qui tamen tempo-ri fugiens in tuta se recepit, mori potius, quam tam acceptam praeliam reddere paratus. Ditmarus: *Quod cum Abbatissa à certo comperiret legato, graviter commota, cunctis hoc Principibus lacrimis queritur obortis, rogans ac precipiens, ut armati omnes publicos hostes ce-leriter insequerentur, ac vi capiti seu occisis, virginem sibi reducere cona-erentur.* Nec mora, iussa hac miles armatus accelerare contendit, & pri-mquam urbem munitam attingerent eisdem per compendiosa itineris in-terruptis, vi capere vel occidere, seu effugere anhelavit. *Comptum est autem à viatoribus, quod hi, quos insequerentur valida manu clausisq; portis, notis jam gauderent praedicti, nulli patere ingressum, aut velle mo-ri, aut se sibi defendere, & nunquam ulli sponsam reddere. Quo audito admodum tristis revertitur.*

§. VIII. Res inter Principe deliberata, cum Luidgerda divelli à Wirinbario nollet, actum mitius: & Wirinbarius in conven-tu Magdeburgensi veniam delictorum petens impetravit. Ma-thilda autem, Luidgerdam aliquandiu servatua, brevi obiit. Ditmari verba huc spectantia omitto. Habentur in editione Maderi pag. 82. Obitus Mathildæ incidit in annum DCCCCXCVIII.

IX. Neque tamen Luidgerda prius ad maritum reversa, quam post obitum Patris Eccardi. Ditmarus lib. VI. *In primo Henrici regnantis anno praedicta Luidger post mortem Patris sui ad virum suum, à quo iniuste tam diu disjuncta fuerat, mense Januario redit.*

X. Obitum Luidgerdæ prelixè describit Ditmarus: quippe qui morienti adfuit, & unctionem impertitus est extremam. Se-pulta est in monasterio Walbeccensi, haud procul Helmstadio. Idem Ditmarus d. l. *Cum jam primo illucesceret, corpus ad Wallibizi nobis comitantibus deferretur, & in proxima die juxta monasterium in aq-uilonari parte, ubi Luitberdus pater XXVI. annos requiescebat, deponitur, & à viro suimet Wirinbario ineffabiliter desletur.*

XI. De HERMANNO & ECCARDO, Eccardi I. filius à d. 906. 1349, singulari dicemus dissertatione. GUNTHERUM

notat Ditmarus VII. his verbis: *Hoc ibidem Hermannus Comes flebiliter suscipiens (loquitur de Geronis occisi corpore) & iuxta ad novam urbem - cum fratribus suis GUNTHERO & Ekkeharde comitatur.*

XII. Ex Mathilda Eccardi filia descendit Marchionum Misnia Weddinenfis linex familia: adeoque praesentes omnes & quotquot fuerunt potentissimi Marchiones Misnia, ad Electoraliam aliasque illustres dignitates in regno Germanico proventi ad Eccardum I. inclutum genus referunt. Quod si igitur non alia fuisset causa curatius in vitam Eccardi inquirere, vel hanc praecipuo putassem loco. Ceterum Mathilda nupsit Diderico Comiti, unde natus Timo, Pater CONRADI Comitis de Weddin, primi ex hoc stemmate Marchionis Misnia. Genealogiam debemus Auctori Chronici Montis Sereni ad an. MCLXXI. Mortuo Ditmaro, Svanchilda ejus relicta nupsit Ekkeharde Marchioni, filio Guntharii Marchionis de Thuringia: -- qui genuit ex ea plures filios & filias. Unam filiarum ejus, quae ex matre soror fuit Geronis Marchionis, MACHTILDEN nomine, duxit Tidericus, genuitque ex ea Thiemonem Comitem & fratres ejus. Thiemo vero genuit Dedonem Comitem, & CONRADUM Marchionem, Ecclesiae Sereni-montis fundatores. Et in Appendice hujus Chronici eadem Genealogia proponitur exactius hunc in modum: *Accipit Tidericus Comes uxorem filiam Ekkehardi Marchionis, qui in regia curte, quae Polite dicitur, interfecit, est, MACHTILDEN nomine, sororem Hermannii & Ekkehardi Marchionis. -- Genuit itaque Tidericus Comes hos filios, Fridericum, Dedonem, Thiemonem, Geronem, Conradum, Riddagum, & filiam Hildam. -- Thiemo Comes duxit uxorem Idam, filiam Ottonis Ducis de Northeim, genuitque ex ea Dedonem Comitem & CONRADUM. Brevis igitur tabella repraesentabimus genealogiam usque ad nostra tempora.*

GUNTHERUS

1  
ECCARDUS & Uxor SVONCHILDA.

{ MATHILDA, }  
Didericus.  
1  
Timo.

CON.

CONRADUS Comes de Weddin.

1  
Otto *Dives.*

1  
Dietericus.

1  
Henricus *Illustris.*

1  
Albertus.

1  
Fridericus *Admorsus.*

1  
Fridericus *Graviss.*

1  
Fridericus *Strenuus.*

1  
Fridericus *Bellicosus* I. Elector.

1  
Fridericus *Placidus* II.

Ernestus

Albertus

1  
Henricus

1  
Fridericus III. Johannes.

1  
Joh. Fridericus.

1  
Joh. Wilhelmus.

1  
Johannes.

1  
Mauritius. Augustus.

1  
Christianus I.

1  
Christianus II. Joh. Georgius I.

1  
Wilhelmus.

1  
Ernestus.

{ Joh. Ernestus  
Joh. Georgius  
Bernhardus }

{ Fridericus  
& reliqui  
Serenissimi.  
Fratres.

1  
Joh. Georgius II. Augustus.  
Christianus. Mauritius.

1  
Joh. Georgius III.

1  
Joh. Georgius IV.

§. XIII.

§. XIII. Oda Eccardi filia nupsit Boleslao Poloniz Duci anno MXVIII, Dittmarus lib. VIII. *Transactis quatuor diebus, Oda Ekkihardi Marchionis filia à Bolizlao diu jam desiderata, & per filium suimet Ottonem tunc vocata, Zizam venit: & quia tunc noxerat, multum luminaribus incensis, ab immensa utriusque sexus multitudine suscepta est, ac nupsit Duci predicto post septuagesimam, absque canonica auctoritate, qua vivebat bællenis sine matronali consuetudine, admodum digna tanto federe.*

### SECTIONO XIX.

Ab ECCARDO nomen habet arx Eccardsberga duobus cum dimidio ab hinc distans milliaribus. An vero ab Eccardo Patre, an filio fuerit exstructa, nondum certo arbitror constare.

**E**ccardsbergam non ab Ecberto vel Ecbrecht, sed ab Eccardo nomen accepisse, ipsa illa denominatio indicat: ut adeo Binhardi & Rivandri in *Chronico Thuringiacu* hic exgua sit auctoritas. At non æque certum, à quo Eccardo sit constructa. Plerique tamen referunt ad Eccardum I. in quibus sunt Brotusius lib. VI. *Chron. Thuring. Mss. c. III.* Dresserus *Isagog. Hystor. part. I. M.* Adrianus Baierus in *Geographo Jenensi cap. IX.* Reusnerum in *stirpe Witikindea* secutus. Albinus in *Commentar. Rerum Misnicar. &* libro germanico, *Eckhscher Etambbaum* inscripto, ubi fundationi assignat annum DCC CCXCVIII. Quod non adeo absumille vero. Nam Peccensteinii sententiz Eccardum I. pro conditore arcis habenti, & fundationem tamen in annum MXIII. referenti, nihil inest sani, cum diu ante exsus sit Eccardus. Dum vero tacent seculi XI Scriptores, recentiorum conjecturis ansam dedisse opinor Eccardi I. magnitudinem.

### COROLLARIA.

- I. Henricus qui Ottoni III. successit, recte appellatur II.
- II. Palatinatus Saxoniz à Ducatu & Marchionatu Saxoniz distinctus fuit.
- III. Epocha annorum exodi puerorum Hamelenium non est signumtum.
- IV. Belisarius non est excusatus.
- V. An Papinianus ab Antonino Caracalla interfecit, forte adhuc dubites.

